



Jwatulongosolele mtenga jwa Allah chanasa ni utendele ijale kwa jwalakwejo,jwali jwakuwecheta yakuona onape,nambo soni jwakwitichisidwa yakuwecheta yakwe:Nditu chilengedwe cha jwalijose mwa jenu manja chisonganisidwa m'matumbo mwa mamagwe kwa masiku makumi mcheke

Ngani jikupitila kwa Abdullah mwanache jwa Mas'ood-Mlungu asangalale najo-wawechete kuti: Jwatulongosolele mtenga jwa Allah chanasa ni utendele ijale kwa jwalakwejo,jwali jwakuwecheta yakuona onape,nambo soni jwakwitichisidwa yakuwecheta yakwe:Nditu chilengedwe cha jwalijose mwa jenu manja chisonganisidwa m'matumbo mwa mamagwe kwa masiku makumi mcheke kali kadondo ka mesi,soni masiku gane makumi mcheke jili miyasi jekamulane,soni masiku gane makumi mcheke uli mnowu,kaneko akusatumisidwa lilaika kuika kupepelela msimu,nililaika lisalembaga ichidu yakwana mcheche.yakulya yamundu umi wakwe osope,ndawi jakwe jakuwa,masengo gakwe soni nikuti ana waupile kapena walikungu.nditu jwalijose mwa jenu manja mpaka akamule masengo ga wandu wa mtendele nikusigala futu jimo sikati ja jwalakwejo nimtendelewo,nambo buku nikumlongolela jwalakwejo nikamula masengo ga wandu wa ku moto nikuja kwinjila kumotoko,soni jwalijose mwa jenu manja mpaka akamule masengo ga wandu waku moto nikusigala futu jimo sikati ja jwelejo ni motowo,buku nikumlongolela nikamula masengo ga wanndu waku mbepo nikuja kwinjila ku mbepo.»

Mwanache jwa Mas'ood jwawechete kuti: Mtume jwa Mlungu-chanasa ni utendele wa Mlungu iwe pa Mtumejo- jwali jwakuona payakuwecheta yakwe,nambo soni jwakulupililidwa ligongo lyanti Mlungu wamkulupilile nikumpa utume. Jwatite kuti : nditu jwalijose mwa jenu manja ndando ja chipago chakwe chikusasatanda ni kusonganisidwa. Yele ikusatendekwa panyuma panti jwamlume naga atemi malo gamo ni wamkwakwe kutendaga ulombela,ulume wa ja mlumejo usonganisidwa m'matumbo mwa jwamkongwe kwa mowa makumi mcheche (40) mu kawe kakuwa sawu lidondo. Kaneko lidondo lila lisasyuka myasi jekamatane,yele ikusatendekwa mu mowa gakwana makumi mcheche gawili. Kaneko myasi jeundane jila jisasyuka sawu nduli sawu nduli ja nyama ja mpaka jikomboleche kutauna,ayi ikusatenda mu mowa makumi mcheche gatatu. Kaneko Mlungu akusatumisya lilaika kwa munduju,ni likusapepelela msimu mwa mundujo panyuma pakumala mowa makumi mcheche gatatu. Lilaika lila lisalamulidwa kuti lilembe ichindu mcheche ayi: yakusowa yakwe,ana mlingo wachi watachipataga mu mitendele japa umi wakwe, Ndawi jakwe,ndawi jatachitami ali umi

pa Chilambo cha pasi. Masengo gakwe,tachikamulaga masengo gachi?ana tachiwa wekungu kapena waupile pa lyuwa lya Mbesi. Kaneko, Mtume-chanasa ni utendele wa Mlungu ijale kwa jwelejo-, walumbile mu lina lya Mlungu kuti mundu jwakombolekaga kamulaga masengoo ga wandu waku Mbepo,masengo gakwe nikuwa soni gambone,pakujigalila ni yaikuonechela kwa wandu, nikuwa myoyo mpaka kusigala kandayi kamnono ka sikati jakwe ni Mbepo kupatula malo gamnonon mnope ,kaneko chilinganyisyo cha Mlungu chikusampundaga,nakusakamula masengo ga wandu waku Moto nikumalisya ni masengo gele,nakusajakwinjila ku Moto; Ligongo lilamusi lyakuti masengo gakwe mundu kuti gapocheledwe ni kutamichika pa malamusi ga Mlungu ni ngachenga pakuya malamusigo,ni wane mwa wandu akusakamula masengo ga wandu waku Moto mpaka kuwandichila kuti akajinjile Motowo,kusigalaga mkuli wakulandana mlingo wakwe ni ulewu wa yala ni mbindi ja mkono pakulinga ni litaka,kaneko chilinganyo cha Mlungu ichalembile ikusampundaga,nakusakamula masengo ga wandu waku Mbepo,nakusajinjila ku Mbepo.

<https://sunnah.global/hadeeth/yao/show/65037>

النجاة الخيرية
ALNAJAT CHARITY

